



OPORTUNIDAD TA BATI UN BIAHA NA BO PORTA

Reunion exitoso di Donald Trump
y companianan petrolero
kendenan lo bay inverti 100 BIYON
us dollar den Venezuela



TRUMP A ADVIRTI CUBA:
**“NO LO TIN MAS
PETROLEO NI PLACA DI
VENEZUELA”**

**PABIEN NA E
GANADORNAN DI
ELECCION DI REINA
HUBENIL Y
SEÑORA CARNAVAL**





ULTIMO DIA PA PAGA IMPUESTO DI VEHICULO DI MOTOR TA 2 DI FEBRUARI 2026

No tin cambio den e tarifa di impuesto pa aña 2026

ORANJESTAD – E ultimo dia pa paga impuesto di vehiculo di motor di aña 2026 ta 2 di februari 2026. Normalmente e fecha final ta 31 di januari, pero debi cu e aña aki e fecha aki ta cay riba diasabra, e fecha final ta bira dia 2 di februari 2026. Aki ta sigui mas informacion. Plach'i number

Departamento di Impuesto lo no bay otorga plachi di number nobo pa aña 2026. Manera conoci, e actual plachinan blaw cu blanco, cu a wordo otorga durante aña 2025, ta keda valido te cu aña 2029. Automobilistanan tin cu keda uza e actual plachinan di number 2025-2029.

Tarifa di impuesto

E tarifa di impuesto di vehiculo di motor di aña 2026 no a cambia. Contribuyentenan cu no ta corda e suma di impuesto cu mester paga, por consulta e comprobante di registracion di vehiculo di Departamento di Impuesto.

Costo di e plachinan

E contribuyentenan existente no tin mester di paga e costo di e plachinan, debi cu no tin plachi nobo pa aña 2026. E contribuyentenan nobo cu a caba di registra un auto y cu mester un number nobo, si mester paga Afl. 14 pa e plachinan. Pa brommer e plachi ta costa Afl. 10. Haci pago

Por haci e pago di impuesto na oficina principal na Camacuri, MFA Noord, MFA Paradera, MFA Santa Cruz, MFA Savaneta y tambe na e oficina na San Nicolas situa den e edificio di Postkantoor San Nicolas.

Pa esnan cu ta haci pago na cualkier oficina di Departamento di Impuesto, mester tene cuenta cu por paga unicamente cu debit card. Solamente e personanan no-comerciante di edad 60+ y esnan cu ta ricibi onderstand por paga nan impuesto cu cash na Camacuri.

No tin areglo di pago

Ta importante pa tene na cuenta cu no ta posibel pa paga e impuesto di aña 2026, si tin debe habri di e añanan anterior (prome cu 2026). No ta posibel pa haya areglo di pago pa debe di impuesto di vehiculo di motor di e añanan

prome cu 2026.

Pago online via banco

Ta recomendabel pa haci pago online via banco uzando e metodo di Bill Payment den cual di un manera facil por yena e informacion rekeri. Via Bill Payment transaccionnan di pagonan online via Aruba Bank, Banco di Caribe of Caribbean Mercantile Bank ta pasa den e sistema di Departamento di Impuesto den un dia. Pagonan haci via otro banco ta tarda por lo menos 5 dia di trabou pa registra den e administracion di Departamento di Impuesto. Pa contribuyentenan cu no ta haci uzo di Bill Payment, ta recomendabel pa duna un descripcion detaya pa asina Departamento di Impuesto por registra e pago corectamente. E contribuyente ta duna e siguiente informacion: persoonsnummer-periodo-number di plachi. Por ehempel: 50001234- 2026-A97345.

Den caso cu tin debe habri di e añanan anterior, e pago lo wordo procesa riba esakinan prome y e restante riba e impuesto di aña 2026. Si e contribuyente ta bay paga mas cu 1 number via banco, e mester haci un transaccion di pago separa pa cada plachi di number. No ta posibel pa paga un solo suma den un solo transaccion, debi cu esaki lo trece tardansa ora di procesa y aloca e pago.

Pidi recibo di pago online

Pa esnan cu ta haci uzo di e servicio di pago parcial y ta haci pago via banco: por pidi e recibo online despues di completa e ultimo pago di e impuesto. Pa pidi e recibo online mester haci esaki via [impuesto.aw](https://www.impuesto.aw), selecta Digitale formulieren > Kwitantie motorrijtuigbelasting y sigui e instruccionnan.

Boet pa incumplimento

Pagonan cu drenta despues di dia 2 di februari 2026 ta laat. Pagonan haci riba 2 di februari 2026 despues di e "cut-off time" di banco lo pasa pa e siguiente dia y ta wordo considera laat. Pa e "cut-off time" por consulta e website di e banco.

Den caso cu un contribuyente ta laat, e lo tin cu paga tambe e boet pa incumplimento. Departamento di Impuesto lo saca un cobranza adicional (naheffingsaanslag) pa esaki. E suma di boet ta 50% di e suma cu no a wordo paga.

Ehempel:

- Impuesto pa mita aña Afl. 150

- E boet pa incumplimento ta Afl. 75.

- E contribuyente lo mester paga e suma di Afl. 225 (150+75) pa e prome mita di aña 2026.

E dianan venidero ta birando hopi druk. Departamento di Impuesto ta recomenda pa haci e pago di impuesto mas lihe posibel y no warda te na ultimo momento. Pa mas informacion por consulta <https://www.impuesto.aw/motorrijtuigbelasting-betalen> Gerencia di Departamento di Impuesto 7 di januari 2026

Clasificados

SOLODIPUEBLO@GMAIL.COM

CEL.585 9500

TRUMP A ADVIRTI CUBA: “NO LO TIN MAS PETROLEO NI PLACA DI VENEZUELA”



den e captura di Nicolas Maduro. Segun Trump, esaki ta pone fin na asistencia di Cuba.

Trump ademas a bisa cu Venezuela awor ta “bao proteccion di e ehercito mas poderoso di mundo” i cu ya no tin mester mas di loke el’a nombra como “maton i extorshonado” pa defende su territorio. E advertensia di Trump ta yega den momento cu tencion politico ta subi den Latinoamerica i Cuba ta enfrenta un reto grandi si e fluho di energia i fondo economico

WASHINGTON – E presidente di Merca, Donald Trump, a duna un ultimatum na gobierno di Cuba, bisando cu e isla no lo ricibi mas petroleo ni apoyo financierl for di Venezuela. Segun Trump, e periodo di beneficio aki a caba y lo no tin mas relacion economico cu Caracas

Trump a publica su mensahe riba su plataforma social Truth Social: “THERE WILL BE NO MORE OIL OR MONEY GOING TO CUBA – ZERO!

E mandatario a remarca cu pa varios aña Cuba a depende grandemente di e importacion di petroleo i placa di Venezuela pa mantenesu economia, sinembargo, e situacion aki a cambja despues cu recientemente e operacion militar den Venezuela cu a resulta



Corte di Prome Instancia 12 januari 2026

Horario	Sospechoso	Acto Castigabel
08.30	A.J.A.C.	A.C. ta wordo acusa di violacion riba 14 di maart 2024.
10.00	E.A.J.L.	L. ta wordo acusa di intento di asesinato y posesion di un arma di candela riba 31 di maart 2024. E ta wordo acusa ademas di maltrato riba 9 di februari 2025.
11.30	J.A.M.M.	M.M. ta wordo acusa di a menaza un persona cu morto riba 24 di november 2024.
13.30	R.N.A.	A. ta wordo acusa di plantacion di droga y importacion di marihuana riba 26 di augustus 2023.
13.55	G.E.B.	B. ta wordo acusa di maltrato y menaza cu crimen riba 14 di april 2025.
14.40	M.E.R.	R. ta wordo acusa di ladronicia riba 21 di juni 2024.
15.10	S.M.R. R.C.V.C.	R. y C. ta wordo acusa di kiebro y ladronicia den casnan den e periodo di 20 pa 22 di november 2024

CARNAVAL 72

ISLA DI CARNAVAL

PABIEN NA E GANADONAN DI ELECCION DI REINA HUBENIL Y SRA. CARNAVAL

HUBENIL

Pay.aw Youth Queen:

Anwizyann Geerman
Hepa DMC Society/Filomena College MAVO

BEST SPEECH:

Kyra Jong
Dushi Carnival Group

61ST Aruba Youth Carnival Queen 2026

Kyra Jong
Dushi Carnival Group

BEST SHOW:

Brooke Lockhart
Kiwanis Builders Club MPC/TOB Carnival Group

BEST CARNIVAL DRESS:

Anwizyann Geerman
Hepa DMC Society/Filomena College MAVO

1ST RUNNER UP

Brooke Lockhart
Kiwanis Builders Club MPC/TOB Carnival Group

2ND RUNNER UP

Anwizyann Geerman
Hepa DMC Society/Filomena College MAVO

Sra. Carnaval

Pay.aw Mrs. Carnival:

Marylain Ras
Tob Carnival Group/HOH

BEST SPEECH:

Marylain Ras
Tob Carnival Group/HOH

30th Mrs. Carnival Aruba 2026

Marylain Ras
Tob Carnival Group/HOH

BEST SHOW:

Marylain Ras
Tob Carnival Group/HOH

BEST CARNIVAL DRESS:

Marylain Ras
Tob Carnival Group/HOH

1ST RUNNER UP

Xialainne Gennilee Ras
EPB/Royal Carnival Group

2ND RUNNER UP

Carolina Chiquinquirá Croes Martínez
Gucci Dancers Aruba



Chill



Garage Central Aruba



CATC ELMAR



Guardian Group



ZAir



CUTSACURVES



Clasificados



SOLODIPUEBLO@GMAIL.COM

CEL.585 9500



Parlamentario Endy Croes:

CRYSTAL BROWN A BIAHA CU BO DEN AVION PRIVA?

Gerlien Croes a nenga 14 biaha pa contesta (1) pregunta di Parlamento

Parlamentario Endy Croes ta lamenta e hecho cu minister Gerlien Croes banda di a gaña Parlamento y pueblo di Aruba riba su biahe den jet priva dia 19 di november ultimo, tambe a opta pa keda sin contesta pregunta di Parlamentarionan. Esaki sigur no ta un bon ehempel y ta falta di respet total pa e cas di Pueblo.

Kiko a pasa y dicen Gerlien no kier contesta?

Durante reunionnan publico diana 15-16 y 17 di december ultimo varios Parlamentario a hasi preguntanan directo na Gerlien Croes alrespecto su biahe den un jet priva. Cuanto Bo a paga? ken Bo a paga? y con bo a paga? E preguntanan aki no a wordo contesta y Gerlien a gaña Parlamento cu e mes

a paga priva y no mester duna cuenta. E avion priva no tin un AOC y no por cobra hende manera un avion comercial. Wendrick Cecilia a confirma esaki den mesun reunion. Banda di esaki tabata tin (1) pregunta cardinal cual ta yuda comproba cu Gerlien ta gaña.

14 biaha a puntra Gerlien si Crystal Brown a biaha cune den avion priva:

Durante 3 dia largo Parlamentario Croes na 14 ocasion a puntra Gerlien Croes si su consehero Crystal Brown tambe a biaha cune den Jet Priva dia 19 di november y a pidi Gerlien pa contesta Parlamento solamente bisando SI of NO. Consehero di Gerlien Croes, Crystal Brown tin aprobacion di Ministerraad pa e por biaha den avion

comercial riba fecha di 20 pa 22 di november. Pues cu un consehero ta biaha cu un minister y tin su aprobacion di ministerraad no tin nada malo. Locual Parlamento a compronde cu Crystal Brown tambe a subi e jet priva dia 19 di november pues un dia prome.

Un total di 14 biaha a sigui hasi Gerlien Croes e mesun pregunta si Gerlien por contesta Parlamento si Crystal Brown a biaha cune den e jet priva dia 19 di november of cu Crystal Brown a biaha den avion comercial dia 20 di november di acuerdo cu e decision di ministerraad. Gerlien Croes a opta pa hunga ciego sordo mudo y a keda sin contesta Parlamento durante reunionnan publico y no a contesta ni SI of



tampoco NO. Esaki ta e transparencia cu Futuro y su politica nobo di Gerlien Croes a campaña cune den 2024? Esaki ta integridad? Faltando respet pa e organo mas halto di Aruba ta e cambio cu Aruba

merece? Esaki no lo keda te akinan. Parlamento y pueblo tin derecho di sa e berdad y lo usa tur herment local y internacional pa asina sirbi e comunidad aki debidamente. Gerlien Croes un gran ganador!

TUMA ACCION PA PREVENI, PROTEHA Y STOP DENGUE CON NOS POR STOP DENGUE?



FILOMENA COLLEGE MAVO NA SABA



Como un tradicion bunita e docentenan di Filomena College Mavo na San Nicilas a cera e aña 2025 cu un presentacion di canto na cas di grandinan SABA San Nicolas.

E grupo Filomenales a dedica algun cancion di fin di aña y tambe cancionnan popular na tur presente. Bou guia di maestronan Eric Farro riba cuarta, Esther Arends como lider, e mas cu bintitres maestronan y personal a interpreta cancionnan manera Fuego al cañon, Cunucu di Seit, Bay conta na tur hende, Paranda Arubiano y mas.

Na number di directorado di Filomena College Mavo, tur maestro y personal ta gradici SABA pa e oportunidad un biaha mas brinda pa por a deleita nos grandinan den gran forma den 2025. Tambe a haci entrega di un regalo simbolico den forma di basket cu producto na e cas di hende grandi. Un feliz 2026 pa SABA completo ta nos deseo. Despues di e paranda door di e paseonan di SABA, tur e maestronan a cera



nan aña cu un cena na un restaurant local.

Fotografia: Mahendrepasad

Joan

Parlamentario Endy Croes:

OPORTUNIDAD TA BATI 1 BIAHA NA BO PORTA

Reunion exitoso di Donald Trump y companianan petrolero kendenan lo bay inverti 100 BIYON us dollar den Venezuela

Parlamentario Endy Croes ta siguiendo hopi di serca e desaroyo di Merca y Venezuela pa lokual ta trata petrolio. Dia 9 di Januari ultimo Presidente di Merca Donald Trump a invita 17 companianan di mas grandi den mundo petrolero pa un reunion na White House. Topico tabata inversion biyonario pa aumenta produccion di petrolio di Venezuela. Por mira atras riba un tremendo reunion cu un apitit hopi halto di companianan renombra.

Un inversion inicial di 100 BIYON us dollar

Companianan manera Chevron (cu ta na Venezuela caba), Exxon Mobile kende desde 1940 tabata na Venezuela pero tin 20 aña cu e regimen Chavez/Maduro a desapropia tur cos di nan y saca nan di Venezuela, Conoco Phillips kendenan a wordo cori di Venezuela a bisa Trump cu nan a laga atras y perde 12 Biyon us dollar na ekiponan y asina por sigui menciona storianan real pero amargo. Den e invitadonan tambe tabata presente CEO di Trafigura Sr. Richard Holtum. Trafigura ta e compania cu a caba di gana un “tender” pa entrega gasolin, diesel y jetfuel pa Aruba pero te cu awor no a wordo honra pa RDA/FMSA. Croes a sigui e reunion di Trump cu hopi atencion y por mira e interes ta hopi grandi den e companianan multi biyonario pa hasi inversionnan biyonario na Venezuela.

Trump a splika hopi kla:

Trump a bisa e companianan hopi kla y straight forward cu bosonan lo hasi inicialmente 100 Biyon us dollar di inversion pa drecha y restructura henter e infraestructura di petrolio na Venezuela cu e obhetivo pa aumenta e produccion. Tanto e companianan lo saca nan placa bek y gana placa, gobierno Venezolano mester haña su fair share pa su hendenan di Venezuela y gobierno Americano lo hanja su share. Por ehempel presidente Trump a accentua cu tur materialnan pa cu e inversion mester wordo cumpra na merca. Trump a bisa tambe cu e ta habri pa bende petrolio cu China y Rusia pero na prijs di mercado. Trump a splika alcambio Merca lo percura pa e seguridad (safety) pa e compania y su trahadornan na tera mientras gobierno Venezolano mester hasi cierto cambionan den e estructura comercial actual y leynan di hydrocarbon cual nan lo percura pa esaki pasa. Trump y su team di energia ta “deadset” pa logra esaki y companianan a expresa hopi interes y apetit. Oportunidad ta bati 1 biaha na Bo porta

Parlamentario Endy Croes ta sigui splika cu e situacion cu a pasa na Venezuela 3 di Januari ultimo unda merca a saca Nicolas Maduro y ta trahando di serca cu gobierno di Venezuela pa logra e cambionan grandi den e transicion ta cambia henter e panorama petrolero no solamente pa Venezuela pero pa Aruba y Curacao y henter region. Aruba por ehempel ta enbusca



un di dos pilar economico cual por yuda nos pais reduci e debe nacional mas liher y crea oportunidadnan di inversionnan grandi, empleo, placa adicional pa caha di gobierno, aumenta nos GDP y un bida briyante pa nos hendenan y sigur pa area di San Nicolas. Ta e momento oportuno pa e gobierno di turno “stand up” cu un vision concreto riba e tema. Mester bin un desicion pa explora cu e companianan cu lo bay inverti 100 BIYON us dollar e rol di refineria di Aruba y Curacao tanto den storage y refina. Berdad e refineria di Aruba por ta deteriora almomento pero mescos esnan na Venezuela ta y e infraestructura

ayanan tambe lo wordo renoba segun expertonan a papia di un mix di renoba un parti y trese otro ekiponan up to standard. Parlamentario Endy Croes ta pidi gobierno atende esaki cu tur seriedad sin waak color politico y lo pidi un reunion publico pa hiba e discusion aki den Parlamento. Ban sirbi e interes general riba e tema aki cu urgencia.



ARUBA TOURISM AUTHORITY SUI GENERIS TA CELEBRA 15 AÑA: Ban balanssa crecimiento di turismo cu miho calidad di bida

Con ta midí diescino aña di un entidad nobo cu a nace pa promove desaroyo, innovacion y crecimiento di nos economia a traves di nos unico pilar, turismo. Di aña 2011 pa awa, "Tourism Receipts" a aumenta cu 94%, yegada di bishitante a aumenta cu 43%, "RevPAR" a crece cu 82%, mientras cu yegada di turismo crucero a crece cu 36%. E cifranan aki ta subraya e exito y desaroyo sostenibel di e sector turistico di Aruba, desde cu a funda Aruba Tourism Authority Sui Generis.

"Pero e no ta bay solamente pa cifra, ni percepcion, sino pa e realidad cu nos ta bibando tur dia. Un industria modelo pa henter e region, un economia fuerte y resiliente, banda di un demanda semper halto. Tur esey ta bon! Pero nos enfoca awendia ta pa mehora lake falta regulacion, coreccion y adaptacion. Asina so por garantisa miho balans y cu nos ta alcanza un nivel unda e turista ta contento pero e pueblo tambe", asina Ronella Croes, CEO di Aruba Tourism Authority ta y kier sigui enfoca den e siguiente temponan nos dilanti.

Aruba Tourism Authority (A.T.A.) ta celebra 15 aña como un entidad Sui Generis, un organisacion independiente, pero den un esfera publico. Originalmente conoci como Toeristenbureau, pa despues crea A.T.A. 'Sui Generis' dia 1 di januari 2011.

E termino Sui Generis ta un palabra Latin y ta nifica "unico den su tipo." Pa A.T.A., esaki ta representa un estructura singular cu ta duna autonomia y flexibilidad pa actua cu independencia, pero semper den bienestar di nos isla. A.T.A. ta fungi como un "Destination Marketing and Management Organization"



(DMMO) y ta responsabel pa uni interes turistico entre socionan local y internacional.

A.T.A. ta pone hopi enfasis riba e modelo di "High Value-Low Impact", un balans entre, di un banda aumenta e balor economico di e bishitante y na otro banda posiconan Aruba como un pais dese

y sostenibel, cu ta tur momento e bienestar di e comunidad den mente. Esaki ta inclui atencion na entre otro proteccion di nos naturalesa, medio ambiente y nos cultura. Cu lansamento di e Multi-Annual Corporate Strategy 2025-2035 (MACS), A.T.A. ta den Plateau I di implementacion di nan plan, enfocando riba aumenta entrada

pa medio di calidad di turismo en bes di cantidad. Tambe ta prioritisar preservacion cultural, cuida ambiental y bienestar di comunidad den Plateau I. E vision aki ta refleta den e frase: "Un Aruba dushi pa biba, ta un Aruba dushi pa bishita."

Cu herment manera e Tourism Impact Model, A.T.A. ta midí no



solamente entrada, sino costo real di crecimiento, pa segura cu e isla completo ta sinti e beneficianan mientras ta proteha recurso y calidad di bida.

E ekipo di A.T.A. ta consisti di e oficina principal na Aruba, pero tambe un oficina na Hulanda, Colombia y Merca, trahando hunto pa promove Aruba den diferente mercado. Su cuater balornan—Curashi, Compasion, Curason y Curiosidad—ta forma hunto e compas cu ta guia A.T.A. den un etapa nobo di turismo. E balornan ta inspira pa innova, cuida y proteha comunidad y medio ambiente y alabes lidera cu curason y vision.

Un danki na e ekipo di A.T.A. pa nan compromiso y dedicacion. Ta gradici comunidad di Aruba pa nan sosten durante e 15 añanan aki, pero tambe ta gradici Gobierno di Aruba, tur socio y partner di e industria turistico pa nan sosten y colaboracion. Pa mas informacion, incluyendo plan di A.T.A. pa 2026 por bishita www.ata.aw.

15 Aniversario

di A.T.A. Sui Generis
01-01-2011 + 01-01-2026

A.T.A. ta gradici comunidad di Aruba pa e sosten durante e ultimo 15 aña. Na nos ekipo di A.T.A. un DANKI pa boso compromiso y dedicacion!

Cu mira riba futuro, nos 4 balornan fundamental lo guia nos manera un compas riba e rumbo nobo di nos turismo.

Curashi
Nos ta e entidad emerge cu turismo, pero e exito di turismo ta un esfuerzo colectivo. Turismo a conoce un recuperacion ligulable, y awor como nacion nos ta para na un cruces. Cu curashi nos ta reconoce y ta comprende e purtanan di atencion cu ta biba den nos comunidad, encanto y crecimiento y desaroyo di nos turismo. Nos prioridad ta pa crea un futuro balans, unda cu nos autenticidad no mester wordo sacrificá.

Curiosidad
Nos ta reconoce cu mester evoluciona y drenta e siguiente era di turismo. Un trabou cu lo cuminsa enfoca riba "Responsible Tourism", y finalmente yegá na "Regenerative Tourism". E proceso aki lo tuma lugá gradualmente pa yuda nos redifini kiko pa nos ta "One Happy Island". Cu curiosidad y dedicacion, nos lo enfoca riba educacion, concientizacion, y inclusion di tanto e comunidad local como nos huespednan.

Compasion
Nos sin profundo gratitud pa tur local cu turismo a y ta nifica pa nos isla. E bienestar y calidad di bida di nos comunidad local, e importancia di nos medio ambiente y naturaleza, y e conservacion di nos cultura. Tur esakinan ta forma parti di nos metanan den presente y pa futuro. Nos ta consciente cu un direccion nobo ta necesario. Lo sigui traha riba e exitonan conacha. Pa logra esaki, lo nester compasion, sosten colectivo, y pa nos ta proactivo.

Curason
Nos a scucha boso bon. Aruba ta nos hogar. Un hogar cu nos mester proteha. Un hogar caminda tanto nos, como nos huespednan lo respecta nos norma y balornan. E siguiente direccion ta inclui un proceso di reevaluacion, restauracion, y educacion. Nos ta reconoce e responsabilidad pa crea un presente balans y un futuro regenera.

Cu Curashi, Curiosidad, Compasion y Curason nos lo lighi proteha nos naturalesa y medio ambiente, como tambe preservá nos cultura y autenticidad.

A.T.A.
Sui Generis
01-01-2011 + 01-01-2026

CAMBIA PERSPECTIVA TOCANTE OBESIDAD: SA BO NUMBER Y MIDI BO PESO



CUPCAKE DI SPERANSA 2026

Nos ta dilanti otro celebracion di Dia di San Valentin y dilanti otro bunita proyecto di "Cupcake di Speransa 2025" celebrando su di 11 aña. Un proyecto cu a start na 2016 den Caya Grandi para cu 200 Cupcake y cu aña tras di aña a keda crece. Na aña 2016 e fondonan recauda tabata pa Baby Luna, na 2017 na Sra. Koolman, na 2018 dedica na 2 Fundacion pa mucha, na 2019 pa Ethan, na 2020 dedica na Ethan un biaha mas y tambe Guinni, na 2021 pa Shady, na 2022 e Cupcake di Speransa a bai pa Janelle, na 2023 dedica na Aljereau y na 2024 dedica na Famia Rasmijn y Baby Jeremiah, aña 2025 esaki lo wordo dedica na un hoben special di 15 aña yama

Richeline y e aña aki nos ta dedica nos Cupcake di Speransa na Pasadiya Briyo di Solo. Pasadiya Briyo di Solo ta un institucion cu ta yuda e hobenan special pa desaroya nan talentonan y nan tin un proyecto masha bunita cu ta trahe diferente tipo di Te, y nan soño ta pa aña 2026 traha nan TEA HOUSE, Un cas di Te unda nan por sigui bende nan Te nan pero tambe unda tur hende por pasa dal un Te y saborea un dushi cookie of pida bolo. Abo tambe por ta parti di e yudansa aki pa Pasadiya Briyo di Solo, door di cumpra Cupcake di Speransa 2026. E minimo di order ta 1 dozijn (12 Cupcake) pa 60 florin y bo mag di bestel cuanto cu ta desea. Un bon opcion

pa amigonan comerciante cumpra pa nan empleadonan y clientenan y tambe den famia por haci esaki. Lo parti e Cupcakenan diana 12 y 13 February y lo entrega esakinan na cas of trabou. Pa bestelling por manda un Whatsapp 561-61-51 serca George Winterdaal y bestel esun dibo, por paga cash dia di deliver y tambe por paga

via online tambe cuenta ta Aruba Bank y e cuenta ta 600-648-0190 tambe si ta desea di por contribui cu algo monetario por haci esaki. GLW Foundation ta contento di por sigui aporta cu boso ayudo pa un otro hoben por sigui check su salud den exterior. Aruba ban uni un biaha mas pa asina nos por yuda

Pasadiya Briyo di Solo logra nan meta pa yega na un TEA HOUSE

Ban celebra e Dia di San Valentino aki comiendo un dushi bolo y demostra bo amor y Amistad na nos muchanan special, Order esun dibo awor mes 561-61-51, Cupcake di Speransa 2026 ta conta cubo.




Cupcake di Speransa 2026

GLW Foundation ta presenta su di 11 edicion di Cupcake di Speransa dedica na Pasadiya Briyo di Solo

Abo tambe por coopera cu nos cumprando bo cupcake na e prijs simbolico di 5 florin pa uno. Minimo di order ta 12 Cupcake of Afl.60,00

Por Bestel via Whatsapp 561-6151 of mail na georgewinterdaal@gmail.com (Nos lo reparti Cupcake Diahuebs 12 y Diabierna 13 February 2026)

Fondonan ta bai pa yuda e skol di nos hobenan special di Pasadiya Briyo di Solo yega na nan "Tea House".



Por haci bo donacion tambe na GLW Productions 600-648-0190 ARUBA BANK



Order bo cupcake awe y juda nos sigui juda.

Q	C	T	Z	N	P	A	R	A	G	U	A	Y	N	X	Q	N	S	N	Z	R	N	X	I
G	G	Z	A	W	A	D	A	N	A	C	D	Z	R	N	T	H	W	A	O	D	G	G	M
S	A	N	L	F	J	Z	P	A	N	I	H	C	O	A	V	I	I	K	C	R	M	E	E
I	H	G	W	N	R	W	M	A	R	R	U	E	C	O	S	N	B	I	F	G	N	P	L
N	X	N	I	O	S	N	P	L	B	I	L	Y	C	B	A	R	V	I	T	T	I	O	Z
P	L	B	G	A	K	D	W	I	M	G	U	K	O	M	A	B	F	F	Y	A	N	R	L
H	W	U	H	Q	F	A	E	O	T	J	I	L	E	S	X	W	R	Z	P	D	L	H	R
T	C	X	S	Q	M	R	K	C	L	K	I	L	I	A	R	B	C	U	R	Q	V	I	H
E	O	L	E	O	P	B	O	T	E	V	A	L	G	G	N	H	U	E	S	V	Q	F	A
Y	V	B	R	Y	A	B	C	N	I	R	I	D	M	J	L	I	S	V	N	E	W	W	B
E	U	Z	A	L	C	T	I	A	H	A	J	N	A	U	E	N	T	D	M	S	L	C	W
Q	J	P	O	H	I	M	E	E	I	U	H	P	Z	F	Q	D	T	N	Q	D	Q	A	L
G	V	I	I	X	A	S	C	N	E	C	O	M	D	G	B	N	Y	H	E	I	W	Z	S
K	T	L	D	K	X	O	B	N	A	N	N	V	Z	R	I	K	G	Y	Z	G	I	W	G
B	E	H	Y	P	E	R	W	O	O	S	Z	A	A	L	N	H	A	X	C	T	R	P	R
G	O	A	A	R	G	E	L	I	A	E	O	S	R	F	F	O	K	F	G	U	R	A	P
F	N	D	U	P	S	S	M	N	Q	J	I	E	M	F	W	Z	C	G	G	S	H	H	R
A	U	S	T	R	A	L	I	A	A	L	B	A	F	Q	Z	S	K	I	H	B	S	E	D
G	Y	D	L	U	V	B	U	F	K	F	D	E	K	Q	L	I	F	R	X	Y	X	U	C
Z	S	Z	X	T	D	U	G	K	V	R	U	S	I	A	G	X	K	T	U	E	L	F	M
I	T	K	Q	J	L	Q	P	R	I	A	P	G	R	E	C	I	A	N	L	X	M	Q	X
H	T	J	C	E	D	Y	T	D	U	O	D	P	J	C	L	C	Q	U	Y	A	S	B	V
J	S	G	E	U	I	E	T	Z	F	K	O	D	Z	V	Z	Z	J	W	A	A	M	R	W
V	U	L	A	G	U	T	R	O	P	I	J	X	P	T	S	U	I	Z	A	C	Q	M	L

alemania

argelia

argentina

atenas

australia

berlin

bolivia

brasil

brasilia

bruselas

canada

chile

china

francia

grecia

italia

japon

lisboa

londres

madrid

marruecos

mexico

paraguay

portugal

roma

rusia

suiza

NISSAN NOTE NA CANDELA DIADOMINGO MAINTA



Nuñe - Diadomingo mainta trempa polis y brandweer a bay Nuñe, unda cu lo tin un auto na candela.

Tawata rond di 8'or ney, cu un persona lo a mira candela

saliendo di un auto dilanti un cas y mesora a bati alarma.

Bomberonan na yegada a paga e candela cu tawata na e parti dilanti di e Nissan Note.

Segun informacion, posiblemente a laga e auto cendi pa basta rato y esaki lo por a causa cu e auto a cende candela. Polisnan a tuma datos di e incidente.

**Paga bo cuenta
online ta facil**



**Pa hasi pago online pone nomber y adres na
cuenta di banco RBC Sunmax Printing
account # 7700000100152447**

7 ALIMENTO CU POR MEHORA BO BEIS

E alimentonan cu bo ta come no solamente ta determina con bo ta zit eruit, sino cu tambe ta influi bo pensamiento, emocion y accionnan.

Hopi ta e alimentonan cu por desahusta bo sistema nervioso, treciendo como consecuencia mal beis, cansancio, ansiedad y depresion.

Purba e siguiente alimentonan cu por mehora bo humor. P'esey, si bo a nota cu semper bo ta di mal humor of bo ta sinti un disgusto.

Taunopcionmassaludabel, economico y simpel na luga di usa remedi. Solamente tene na cuenta cu si bo emocionnan no ta stabilisa, ta un bon idea pa bishita un psicologo.

Algunbiahae problemanan cu no tin di haber cu loke nos ta come, sino cu e hendenan cu ta rond di nos y e situacionnan cu nos ta biba aden.

1. Cacao of chuculati puro
E prome di e alimentonan cu ta mehora bo humor, ta cacao. E tin un efecto estimulante di felicidad, debi na e teobromina. E kimico aki ta yuda na:

- Aumenta e nivelnan di serotonina y dopamina den e organismo
- Ta relaha e sistema nervioso
- Ta disminui e estadonan di ansiedad y depresion

Cacao tambe ta contene triptofano, un kimico cu ta fomenta e liberacion di serotonina. Pa tur su beneficianan, nos ta recomendabo come un pida repi di chuculati puro of cacao pa dia, pa asina mehora e estadonan di depresion y ansiedad.

Lo unico cu bo mester vigila ta cu e chuculati scogi, ta di un contenido halto di cacao. Idealmente e mester ta riba 65%.



2. Noot of nechi

E di dos di e alimentonan cu ta mehora bo beis ta noot of nechi. E ta aporta na e organismo acidonan graso omega 3, cu esaki no ta produci door di su mes. Ora cu bo curpa no obtene suficiente omega 3, e por drenta den estadonan depresivo. Nootnan tambe ta contene triptofano, di cual ya nos a menciona caba.

- Nos ta recomenda consumi 5 noot pa dia pa asina mantene un beis mas stabil.

• Corda cu bo por añadi nan na bo batidonan, na bo desertnan of simplemente come nan como colacion.

3. Bacoba

Bacoba ta otro di e alimentonan cu ta mehora bo beis y cu bo tin cu inclui den bo dieta diario of por lo menos dos biaha pa siman.

Su beneficio na bo emocionnan ta debe na e contenido halto di vitamina B6. Esaki ta interveni den e proceso di transformacion di e compuestonan proteicos di serotonina.

Ademas, door cu e ta contene acido folico, vitamina C y fibra vegetal, e ta mehora bo defensanan.

4. Simiya di sesamo

E simiyanan aki ta un di e



alimentonan cu ta mehora bo beis pasobra e ta aporta na treonina.

Esaki ta un aminoacido esencial cu e organismo no por produci y sintetisa di su mes di forma natural.

Ora cu tin nivelnan abao di treonina, bo por experiment tristesa cronico.

- Pa obtene e nutriente aki, nos ta recomendabo inclui un telep di simiya di sesamo den bo saladanan of usa su azeta como parti di bo platonan.

5. Salmao y otro pisca

Otro di e alimentonan cu ta mehora bo beis pasobra nan ta rico den acidonan graso omega 3, ta salmao, tuna of sardin.

Esakinan ta incidi directamente den e eficiencia di e movimiento di algun neurotransmisor, cual deficiencia por provoca estadonan depresivo.

- Ta recomendabel inclui por lo menos un porcion di e piscanan aki na bo dieta semanal.

- Si ta posibel, inclui nan tres biaha pa siman compaña pa berdura.

Sigura cu e pisca cu bo cumpra ta di bon calidad y liber di contaminante. Esaki ta specialmente importante cu salmao, ya cu algun specimen obteni di criaderonan ta alimenta

Ora cu bo ta sinti cu esaki ta sosodiendo, realisa un revision di glucose pa determina si esey ta e problema.

7. Carni cora magro

E ultiom di e alimentonan cu ta mehora bo beis ta carni magro. Esakinan ta rico den acido linoleico, un vet natural cu ta yuda combati stress y e acumulacion di vet den curpa.

E carninan aki tambe ta aporta na hero y omega 3 cu ta yuda mehora e salud celebral.

- Ademas, ta hopi recomendabel cu ora di cushina e carninan, haci'e cu e menor cantidad di salo y vet posibel. Asina, nos lo ta consumiendo e producto sin cosnan añadi y nos lo evita otro problemanan asocia. Manera por ehempel hipertension of aumento di peso.

Un batido pa mehora bo beis

Un opcion simpel di inclui e alimentonan cu ta mehora bo beis, ta atraves di baticonan. Lo unico cu bo mester vigila, ta pa e no excede cu e cantidad ya cu ta hopi simpel pa experimenta cu pieknan di glucose.

Purba cu e opcion aki, lo bo descubri cu e ta dushi y hopi simpel.

Prueba con esta opción, descubrirás que es deliciosa y muy sencilla.

Ingrediente

- 1 cup di lechi sin vet (250 ml)
- 1/2 bacoba
- 5 noot
- 1 telep di cacao of un pida chuculati marga (5 g)

Preparacion

- Pone tur e ingredientenan aki den un blender y mesclanan te ora cu obtene un mescla homogeno y bebe di

cu kimico cu por afecta bo humor.

Si bo ta opta pa consumi tuna, percura pa eligi e opcionnan den pidanan natural. Aunke e ta hopi economico come tuna di bleki, esaki ta contene nivelnan halto di salo y di BPA, tambe conoci como bisfenol.

6. Alimentonan rico den fibra

Alimentonan rico den fibra soluble ta yudabo na cambia e estado di animo ora cu esaki ta debe na e alteracionnan den bo nivelnan di suco den sanger.

Si bo ta diabetico, controla bo nivelnan correspondiente. Corda cu e glucose eleva no solamente ta afecta e funcionamiento di bo organonan interno: tambe lo ponebo experimenta diverso emocionnan negativo den cuestion di minuut.

MINISTER GEOFFREY WEVER TA INTRODUCI STARTERSREGELING PA STIMULA EMPRESANAN NOBO

Den cuadro di un strategia pa stimula empresanan nobo y diversificacion di Aruba su economia Minister di Finansa, Economia y Sector Primario Geoffrey Wever ta introduci oficialmente un "Startersregeling" pa companianan nobo, dirigi na elimina barrera fiscal pa empresanan nobo y crea un clima fiscal mas faborabel pa empresanan nobo.

Minister Wever ta subraya cu e "Startersregeling" ta forma parti di e vision economico di Gobierno AVP-FUTURO, cu e meta pa stimula incorporacion di empresanan nobo den especialmente e Promising Sectors, manera defini pa Directie Economische Zaken, Handel en Industrie (DEZHI), pa stimula entrepreneurship, pa crea cuponan di trabow nobo y innovativo y pa crea entradanan nobo pa Gobierno.

E "Startersregeling" ta aplicabel especificamente pa empresanan nobo den e Promising Sectors, cu ta entre otro turismo cultural, turismo deportivo, economia di conocimiento manera energia solar, tecnologia oceanico, educacion superior, ICT y FinTech y solucionnan insular orienta riba exportacion; logistica maritimo y di aviacion; economia agricola cu produccion local di alimento; economia circular cu enfoca riba reciclahe, waste-to-energy y deep seawater industries; y industria creativo manera arte, musica, diseño grafico, fotografia, web design, art studios y moda. "Cu e enfoca aki, Gobierno AVP-FUTURO ta pone pasonan concreto pa diversifica economia di Aruba", segun Minister Geoffrey Wever.

Pa apoya empresanan den nan fase inicial, e areglo ta introduci un serie di incentivosnan fiscal concreto

durante e prome cinco aña despues di fundacion. Entre esaki ta un excepcion anual di ganashi te na Afl. 50.000, un deducion di inversion aumenta te 20%, y un deducibilidad parcial di e montante principal di prestamonan comercial nobo. Tambe a crea flexibilidad den e requisito di salario pa accionistanan cu tin participacion substancial y cu ta traha den nan mesun compania, basando esaki riba salario minimo legal. Den e periodo di start-up e areglo di empresario chikito pa BBO, AZV y BAVP ta wordo aplica durante e periodo e compania nobo no mester paga BBO, AZV y BAVP pa 5 aña. "E combinacion di e medidanan aki ta contribui directamente na mehora di liquides, acceso na financiamiento y reinversion continuo", segun Minister Wever.

E "Startersregeling" ta aplicabel solamente pa companianan cu ta funda y cu ta establece na Aruba desde 1 di januari 2026 y cu tin un permiso di negoshi actividadnan den e Promising sectors. Empresanan cu ta participa mester demostra cada aña cu nan ta invirti minimo 15% di nan bruto-omzet den crecimiento di e empresa, cu nan tin un nivel minimo di empleo di acuerdo cu nan volumen di actividad, y cu nan ta cumpli cu requisito di presencia economico real na Aruba.

"Cu introduccion di e "Startersregeling", Gobierno di Aruba ta haci un inversion consciente pa diversifica economia di Aruba, un maneho ta refleha un balance claro entre estimulacion di iniciativa empresarial y beneficianan fiscal, cu como obhetivo final un economia mas diversifica, mas innovador y mas resiliente. E "Startersregeling" a drenta na vigor riba 1 di januari



2026 y ta marca un paso importante den e caminda

pa crea un economia mas fuerte pa Aruba cu ta prepara

pa futuro", segun Minister Geoffrey Wever.

WIKIPEDIA RIBA ARUBA CU BAN WIKI!

E proyecto Wikipedia na Aruba ta presenta un evento mensual di Ban Wiki!

Unda bo por haci bo preguntanan tocante e proyecto, conoce otro boluntarionan y cuminsa edita! E prome evento di Ban Wiki pa aña 2026 ta tuma lugar riba 16 di Januari, online via Google meet.

E seccion ta cana di 10:00 AM pa 11:30 AM (AST). E team di Wikipedia riba Aruba

ta guia bo, stap pa stap y siña bo con pa usa Wikipedia y otro plataformanan.

E evento aki ta dirigi specialmente na personanan y ekipo cu ta

traha den organisacionnan di GLAM. Museo, biblioteca, archivo y galeria cu ta participa den digitalisacion di coleccion y haci conocimiento cultural mas accesibel pa publico.

E tayer ta habri pa tur hende cu kier siña con pa edita Wikipedia, agrega potret riba

Wikimedia Commons of aña di items riba Wikidata. Cu of sin experiencia tur hende ta bon bini.

Participantenan por haci pregunta y participa den Papiamento, Hulandes of Ingles.

Crea un cuenta di Wikipedia

Pa por participa activamente ta rekeri pa traha un cuenta di Wikipedia asina bo por hasi edicion riba tur e plataforma di Wikimedia. Bo no tin un cuenta ainda? Bishita

nos pagina di Youtube/ Wikipedia riba Aruba unda ta haya video di instruccion con pa crea un cuenta.

Registracion
Registra bo participacion via nos pagina principal: www.wikipediaonaruba.org via e

formulario di registracion. Bishita nos pagina di media social y keda informa di nos ultimo actividadnan.

SOPI DI LETRANAN

Z T K L Z C P H A M O R B P P E L J
Z B L N B F T S O G K T E W C C J K
E Z V A M P I R O G O H D X A Y N X
D B H B M K I L D L U U J O L W U O
N Q T R A T O Z L D L E O P A A X A
E Y I Z M S Q X A C X L R D B S Z E
U H E R I U C R E R E V E A A O L M
D D F N E C H X B M F M A I Z Ñ J C
F C A B R U J A A R O S O G A I O A
A N O C H E F R L N O T I G K N R M
N C T S R R A I I L R D E D I M G Á
T K Z B E C B O E U O C E M V A E S
A R O R R E T D C S M W H I F L N C
S V M T U Q V O O J T W E X M E O A
M I T O C T U B R E O A L E L V T R
A U V Q U T I R Í P S E I L N J A A
R A L L I D A S E P U E F Q F G G K

BROMA
BRUJA
CALABAZA
CAMELO
DEMONIO
DISFRAZ
DUENDE
DULCE
ESPIRITU
FANTASMA
FIESTA
GATONEGRO
GOLOSINA
HALLOWEEN
HOGUERA
MÁSCARA
MIEDO
NIÑOS
NOCHE
OCTUBRE
PESADILLA
TERROR
TRATO
TRUCO
VAMPIRO
VELA

SUDOKU

	3		2	9		7	
9			4	1	3		8
		1		7		3	
7	1			4			9 5
	8	6	9		7	4	3
5	9			2			8 7
		8		6		9	
6			1	3	2		4
	4		8		5		6

		6	7		4	9	
	5			6			8
2							5
3							1
1							2
	8						3
		7				6	
			3		9		
				8			

	7			6			9
6			5				8
		4				7	
	3				6		
2				5			8
			4				1
		3				4	
	2				7		3
1				8			2

Oracion di dia

Un dia fructifero y cu e luz di Cristo por briya den cada un di nos

"... Pasobra tur hende cu halsa nan mes, lo keda humilia, ma esun cu humilia su mes, lo keda halsa". Lucas 18,14

Awe nos ta lesa e importancia di humildad y reconece nos faltanan. Nos por ta manera e fariseo husgando otro y halsando su mes of manera e cobrado di belasting ta reconece su falta y su necesidad di compasion. Cu humildad nos ta sirbi otro sin busca recompensa; scucha mas y papia menos, na balora e otronan pa loke nan ta y no pa loke nan tin of ta aparenta di ta. Reflexionando continuamente ta yuda evita na cay den orguyo y na mantene nos mirada fiho den e mision cu Señor a confia nos. Biba cu berdadero humildad ta nifica rechasa e mascaradanan cu hopi biaha nos ta pone pa impresiona of pa competi cu otro. No biba un bida superficial of di falsedad, sea un luz pa mundo unda e luz di Cristo ta briya den bo. Loke ta importa no ta con otronan ta mira nos, sino con Dios ta mira nos. Ser bo mes y cu humildad ta acerca nos na e berdadero esencia di nos fe y esey ta haci nos un instrumento den e man di Dios.

Oracion : Señor Hesus, haci mi curason pareu na bo curason. Manso y humilde y obedecido na bo Santa boluntad.

Amen.

Parlamentario Eduard Pieters di PPA:

“SEGURIDAD DI TRAFICO TA UN PRUEBA DI LIDERAZGO Y RESPONSABILIDAD PUBLICO”

Durante e ‘vragenuur’ di diabierna mainta na Parlamento fraccion di PPA a dirigi 3 pregunta critico y skerpi na Minister di Husticia, sr. Arthur Dowers. Parlamentario Eduard Pieters, a uza e oportunidad pa pone riba mesa un tema cu ya ta bati consciencia di henter e pais: e deterioro serio di seguridad di trafico na Aruba. E preocupacion aki no ta oportunista ni emocional; ta basa riba e realidad reciente, riba dato empirico y riba e tragedianan cu a costa varios bida humano.

C o m p o r t a c i o n irresponsabel for di december

“For di december caba, PPA ya a ripara cu comportacion di trafico ta empeorando visiblemente. For di prome cu recess parlamentario a cuminsa, fraccion di PPA a tuma iniciativa pa papia cu varios experto di trafico, evaluando kico ta fayando y con fraccion di PPA por contribui na un manera constructivo pa mehora seguridad. PPA tambe a cuminsa haci varios pregunta skerpi y concreto na minister, pa exige claridad, planificacion y accion,” Eduard a señala.

Problema di comportacion structural
E vragenuur di awe a pasa den un contexto sumamente doloroso. Sinta eyden ta tende di un accidente serio di brommer y otro accidente di e anochi anterior dilanti warda di polis na San Nicolas. E casonan aki no ta incidente isola; nan ta sintoma di un problema di comportacion di

trafico structural. Pieters a enfatisa, cu e actitud di nos propio hendenan den trafico ta laga hopi di desea, pero conducta individual no por ta separa di un sistema cu no ta preveni, no ta controla y no ta sanciona suficiente.

Un maneho integral y rapido
Den sala di reunion, Pieters a ripiti cu seguridad di trafico mester ta algo holistico, basa riba tres pilar: ingenieria, aplicacion di ley y enseñansa/conscientisacion. Sin e tres pilarnan aki hunto, cualquier medida lo keda fragmenta y inefectivo. Den ingenieria, el a recorda cu ya tin borchí di limitacion di velocidad for di bebouwde kom, pero a haci un yamada urgente pa pone mas di e borchinan di bebouwde kom pabou di brug tambe, pa prohibi velocidad superior di 80 km pa ora, reduciendo riesgo real di accidente na un punto critico.

Aplicacion di ley
Pa loka ta aplicacion di ley, PPA ta cla: “Aruba mester mas polis riba caya, mas control activo y inversion den overtime. Deteccion di velocidad (Flitspalen) y presencia visibel di polis no ta castigo, sino prevencion. Hende su bida no tin prijs y ningun costo presupuestario no por pisa mas cu bida humano. Aruba na por sigui acepta fatalidad manera “prijs di progreso,” Eduard a señala.
“Omgevingsprikkel”
Den enseñansa, Pieters a pone enfasis riba un punto crucial: conscientisacion



no kiermen paga un cantidad barbaro di placa pa pone propaganda den media, anto yama esaki un campaña. “Conscientisacion ta omgevingsprikkel: e borchinan strategico, poni den señal cu ta obliga hende lesa, ripiti y interiorisa e mensahe. Ta condiciona conducta pa, na momento decisivo, consensi di conductor realmente traha y actitud por cambia”.

Coalicion cu actitud inmaduro
Eduard Pieters a indica cu e ta di lamenta masha cu, un biaha mas, cierto representante di coalicion a muestra actitud inmaduro, purbando di minimalisa e problema y bisa cu trafico insigur “no ta di awor”. Nan kier mane ignora cu tabatin eleccion y cu e mesun coalicion aki ya tin mas di ocho luna den gobierno. Ora nan tabata den oposicion, nan a critica; awor nan tin poder pa actua. “Kico realmente boso ta bay haci?” Ta e

pregunta cardinal cu Eduard Pieters ta haci na minister.

Finalmente Pieters a subraya cu Minister Dowers a bolbe menciona formacion di un comision interdepartamental y cu resultado lo bin den dos siman. Fraccion di PPA lo keda atento y

vigilante: kico ta mandato di e comision, kico ta e accionnan concreto, y con e resultado lo traduci den medida inmediato. Aruba no por permiti ni un morto mas den trafico.

Seguridad di trafico ta un prueba di gobernacion serio. E momento pa accion ta awor!

**UN BITTER
DI MAS...
POR
STROBA
BO DI
YEGA CAS.**



**REINA HUBENIL DI
CARNAVAL 72 2026**

#61 KYRA JONG
DUSHI CARNIVAL GROUP